

聞人氏痘疹論

重刊痘疹論序

醫家素難如士人本經至矣備矣獨見
不經見本草號稱古書亦無明著方錄
漢末時始言痘疹以爲得自征羌豈止
生人無此疾耶又迤北諸虜苟南近長城
卽出痘疹多死亡似又繫於地氣矣江南
水土溫熱凡嬰兒必痘死生雖異無一得
長大成者所生育子女多

比年四庫連接舛殤至爲楚辭不
不致憾於醫藥之無工也嘗聞宋有聞人
規者著書專論痘疹具有條理徃在館
多方尋訪而未獲表弟顧世安氏素修
業收蓄古書甚富每與論此而託焉歸
之又明年汾州栢山劉先生蒞松之日
以此書爲惠展卷讀之殊快夙心乃爲
訂數字因命黃甥標校勘山甥立抄方以

成一家之言嗚呼使窮鄉下邑家置而戶
藏之稍識文義決不至譌誤其所保全者
可勝道哉乃重翻朗刻庶便覽觀經云如
保赤子蓋言保赤子之難尤難於保民之
難也栢山以才御史出副郡車觀於斯舉
可謂先其所難者松民坐享仁壽之福必
矣世安授官太醫院爲御醫供事

序
殿蓋欲廣先生之意因請爲序以傳

是歲嘉靖甲辰上元日儼山陸深序

刊小兒痘疹論序

夫痘疹論者聞人氏規所著也規素業儒而久不得志以故銳意于岐黃之術而爲是書其說雖出于張從道百二十篇然考變分論因症分治因治應方而於病之緩急輕重寒溫補瀉攻擊保養罔不具載確而當簡而備視從道尤詳焉往歲余偶得其抄本遇痘疹者試之輒效因訪之醫家

冀得刊本而無見者尋余擢御史遊京師
又博訪之醫與縉紳而亦無見者豈元季
之亂而或失耶夫醫藥以濟其天死是書
良術使湮沒而不傳則痘疹之兒罔藉以
生而聞人氏窮矣今歲余尹朝邑因思古
人遺愛不可使斬而嬰孩之瘍不可不恤
乃於簿委之暇畧爲校正今匠人氏刊之
縣齋庶布而傳之使家得一書而痘疹者

胥藉以生而聞人氏其延也但原本殘毀而字有脫誤幸有刊本者是正之

嘉靖壬寅仲秋六日前進士汾州劉尚義識

聞人氏痘疹論目錄

卷之一

小兒必患瘡痘者何第一

四臟各有證腎獨無證者何第二

名狀不同者何第三

瘡痘之熱與諸熱不同者何第四

諸熱失治皆能作瘡痘者何第五

潮熱者何第六

其勢輕重不同者何第七

有先發驚搐者何第八

有先作腹疼或腹中有塊者何第九
古人升麻湯治未發已發者何第十
戒失饑及冒風冷者何第十一
必令避穢惡雜氣者何第十二
防備入目方法者何第十三
春夏爲順秋冬爲逆者何第十四

始末日數有定論者何第十五

出不快者何第十六

出未勻者何第十七

出大盛者何第十八

卷之二

以藥發之微盛不同者何第十九

不可妄發及妄下者何第二十

非微汗則表不解者何第二十一

非微下則裏不解者何第二十二

大便如常者何第二十三

戒輕用利藥者何第二十四

有可下證者何第二十五

有發出有溫出有解毒者何第二十

六

有令大便過者有當溫者有當下者

何第二十七

濃汁不乾者何第五十二

陷伏倒靨者何第五十三

黑陷而耳尻反熱者何第五十四

瘡黑有逆順者何第五十五

黑靨而發寒者何第五十六

既出而狂呌喘呼者何第五十七

熱盛則出愈難其證大便不通小便

如血或爲癰瘡身上破裂者何第

五十八

不結痂疔者何第五十九

誤以巴豆丸藥下之則內虛而熱不

除者何第六十

百祥丸證第六十一

猪尾膏證第六十二

卷之四

已結痂疔欲不作癰痕或已成癰痕

欲消者何第六十三

瘡痂起而能食者何第六十四

病後解利當觀虛實者何第六十五
餘毒作嘔吐者何第六十六

病後忽徧身青黑色手足痲痺口噤

涎聲如鋸者何第六十七

病後非時發搐搦者何第六十八

作痘癰結核腫毒者何第六十九

病後目翳忌用點藥者何第七十
病後大小便不通或便膿血者何第

七十一

餘毒咳嗽脇疼者何第七十二

餘毒作煩渴者何第七十三

天氣暄熱卽與疎利者何第七十四

疎利與轉下不同者何第七十五

用藥不可執一者何第七十六

用緩慢藥反致害人者何第七十七
貴賤不同用藥亦異者何第七十八
方宜不同用藥亦異者何第七十九
乳下嬰兒與能食童子不同者何第

八十

董汲方指迷論錢氏朱氏所論不同
者何第八十一

聞人氏痘疹論卷一

小兒必患瘡痘者何第一

此由在胞中受穢濁故也。凡小兒瘡痘或作於幼年、或發於壯歲。古人預療之術、載在方策。千金方云：兒初生、用綿裹指、急拭去口中汚血。不爾、則啼聲一發、嚙下入腹、致生諸疾。又令飲以甘草湯、吐出胃中之惡、仍服生地黃汁、一蜺殼許、利下惡物。至

如今之人用黃連淡豉亦所以革惡穢也穢惡既革則可使瘡痘不作雖作亦稀少也

四臟皆有證腎獨無證者何第二

小兒在胞中食穢濁以養五臟生下則其毒當出故瘡痘發作之時悉見其證呵欠頻悶者肝也乍涼乍熱手足冷多睡者脾也時發驚悸者心也面赤痰嗽打嚏者肺

也惟腎無候但見平證耳尻涼耳涼腎之平證也蓋尻耳俱屬於腎其象配水腎又居臟下不受穢濁所以無其證若瘡黑陷而耳涼反熱者乃變壞歸腎其證爲太逆視瘡痘者不可不知

名狀不同者何第三

四臟之瘡名狀不同肝爲水疱以肝之液爲淚淚出如水其色微青而小肺爲膿疱

以肺之液爲涕涕如膿其色微白而大心
主血其瘡爲斑色而小脾主裏血其瘡爲
疹色赤黃而淺惟腎不受穢濁不發見耳
此言其初發之狀不同如此也及五七日
之後不問其初出自何臟當悉成血疱血
疱成膿疱膿之後結痂疔則愈矣或人疑
之曰肺之狀旣爲膿疱而血疱之後又成
膿疱者何耶蓋膿疱之出於肺者言其初

時淡淡如膿其色白而非黃俗稱白豆者是也。若血疱之後所結膿疱則是其瘡已熟。譬果之成實飽足充滿包裹黃膿其色黃而非白。當是之時或有瘡破而膿出者。所言膿疱雖同而所以爲膿疱則不同。學者不可不辨。

瘡痘之熱與諸熱不同者何第四

似是而非若同而異此病之所以能惑人

也。小兒瘡痘其初不免乎發熱。然必須見四臟之證。呵欠頓悶。時作驚悸。乍涼乍熱。手足冷多睡。面赤痰嗽打嚏。惟腎不受穢濁。獨無證耳。若他病之熱。種種不同。如手足稍微冷。惡寒而無汗。面色青慘而不舒。左額有青紋者。傷寒之熱也。手足稍微溫發熱有汗。面赤而光者。傷風之熱也。目胞腫而右額有青筋。發熱而頭額腹肚最甚。

或兼嘔吐腹疼傷食之熱也面色青紅額
正中有紋手掌心有汗時作驚惕手絡脉
微動而發熱者此驚熱也身熱而倍能食
唇紅頰赤大小便秘脇下汗者此風熱也
又有潮熱者發渴有時壯熱者一向熱而
不已如懵然不分一槩調治鮮不敗事吁
臨病之際可不審哉

諸熱失治皆能作瘡痘者何第五

病有初異而後同者要當早爲之所宜且
瘡痘之毒蘊伏在裏非熱蒸則無自而出
是以古書云熱蒸三日而斑生徃徃其間
已見瘡痘之證今也不同傷寒傷風傷食
之熱與夫驚熱風熱或潮熱壯熱之類久
而不去內外感發則所蘊瘡痘之毒亦能
乘間而出用藥者旣先知熱之所以異又
能慮熱之不解亦將爲瘡痘之證斯可謂

之良工矣。嘗觀傷寒有胃爛發斑溫毒發斑二者其初均發熱也。方其熱作之初。就謂其有發斑之證耶。然則諸熱失治而能爲瘡痘者。斯言信矣。

潮熱者何第六

谷空而響答。形動而影隨。舉此而得彼也。瘡痘未有不因發熱而出者。觀其熱之有時。便可先知自何臟發出。寅卯辰時潮熱。

者屬肝當出水疱巳午時潮熱者屬心當
出斑瘡申酉戌時潮熱屬肺當爲膿疱亥
子丑時潮熱屬脾當屬疹子獨腎在腑下
不受穢濁故無證耳

其勢輕重不同者何第七

小兒所受穢濁多寡不同加之乳哺飲食
衣服居處護養之法多不得其平一旦瘡
痘之出故有輕有重觀其形狀即可知之

若一發便出盡者必重也、瘡夾疹者半輕
半重也、出稀者輕、裏外肥紅者輕、外黑裏
赤微重也、外白裏者至重也、瘡端裏黑
點如針孔者勢劇也、青乾紫陷、昏睡汗出、
煩躁熱渴、腹脹喘喘、大小便不通者困也、
善用藥者能使輕者易安、重者不致大困、
斯可謂之十全矣、

有先發驚搐者何第八

挾熱而吐利者不可誤投燥藥蘊瘡痘證
而先發搐者不可遽投驚藥經云諸痛痒
瘡皆出於心火今瘡痘之出雖四臟各有
證要其心實爲之主毒氣始作未形見之
間忽發驚搐是毒氣自心經而出也苟不
以內外證辨明之不爲瘡痘防備之使用
銀粉腦麝青黛等藥則心寒而肌斂毒氣
內陷往往瘡痘之初似驚風發搐者多每

因誤服寒藥而死者氣絕之際或隱隱斑
出已無及矣蓋心竅一寒則毒氣閉伏表
裏不透又况心主一身之血心寒則血凝
而不行瘡子欲出不可得也且瘡痘發驚
必有他證相雜又有小兒平居安樂素無
疾苦而忽爾作搐者必是瘡痘尤當審諦
但用發散毒氣如惺惺散升麻湯紅綿散
兼快氣利小便等藥服之雖未能卽効決

不敗事待其熱氣得洩心神亦自安矣或有風寒與內熱相搏而致此者則各有其證治之亦如前法但加勻氣藥爲妙張氏云瘡痘氣勻卽出快蓋氣勻則榮衛無滯有寒亦散大抵治驚惟平肝利小便最爲第一志於醫者試思之

惺惺散

苦桔梗

細辛
去葉

人參

甘草

炙

白茯苓

白朮

括萎根

已上各壹兩五錢

右每貼二錢用水一盞加薄苛葉
三片煎三分不拘時溫服若身熱
而大便自利者不可服

升麻湯

升麻

乾葛

芍藥

甘草 各等分

右每貼二錢用水一盞煎五分不
拘時服若覺煩熱溫服覺寒即熱
服

紅綿散

天麻 炮壹分

荆芥 壹分

甘草 炙貳錢

麻黃 去節貳錢

全蝎 全者柒箇

右爲末、每服壹錢、用水一盞、薄許
參片、酒四五滴、煎四分、帶熱服、如
瘡子未出、再進一服、若傷風服亦
不妨、此藥大抵解表之藥也、

有先作腹疼、或腹中有塊者、何第九
小兒臟腑先有伏熱、而適外感風寒、或內
傷生冷、以致陰陽相拒、發作腹疼、或腹中
作塊攻、若手足稍冷、尻陰俱冷、而腹

中硬痛者是瘡疹證無疑矣更叅以其他證候爲詳審但與平和勻氣兼發散藥爲妙苟不知此便投巴豆大黃輩殘賊胃氣使毒氣不能宣發立致危殆其間縱有能發見者徃徃中道而廢爲倒靨爲陷伏終歸不救嗚呼古人有言曰用藥如用兵可不慎哉

古人升麻湯云治已發未發者何第

十

道有經有權、兵有正有奇、病有常有變、病之常者可必、病之變者不可必、古人立升麻湯治小兒瘡痘爲一定之論、豈固而不通哉、嘗思古人之意、升麻湯一方、蓋治瘡痘之常、不治瘡痘之變、常者何也、未有斑點之前、均發熱者、常也已、結痂死之後、均有餘熱、拂鬱而肌表未清涼者、亦常也是

以升麻湯方狀云治瘡疹未發已發未發者謂未見斑點之前已發者謂已作痂疔之後此升麻湯所以爲治瘡痘之常者也若夫斑點既見與夫痂疔未結其候千變萬化治法在隨證洩會非定論之可拘猶如傷寒之變異不一也當此之際安可執藥以應無窮之變哉且升麻湯所用之藥不過涼肌解表而已未見斑點之前已

結痂。此之後，則可以涼肌，可以解表。古人處方之意如此。曷嘗令用之於瘡疹正作之時耶？今昧者不能究此，既見斑點，尚令兒服餌，致肌寒表弱，陷伏而危殆。吁！讀古人之書，而不能探古人之妙，不可以言醫矣。

升麻湯

方見前第八條下

戒失饑及冒風冷者何第十一

食者人之天風冷者害人之邪氣凡人一
日不食則饑觸風冷則病況小兒當瘡痘
之際正欲賴穀氣以助其內避風寒以護
其外苟穀氣虧少風寒侵襲則爲患可勝
言哉乳下嬰兒宜常令其母飲食充足居
處避風能食童子專令老成耐事人時時
管顧雖然事亦貴得其平或者以失饑冒
風寒爲戒遂致過飽極溫非徒無益而又

害之其識瘡痘之家宜備知之

必令避穢惡雜氣者何第十二

木得桂則枯、雌黃遇胡粉則黑、柑得脯則壞、物之相畏有如此者。瘡痘之畏穢惡雜氣其理亦如是也。仲景云：瘡痘欲出之間，宜燒蒼朮、猪甲二物，仍令人謹伺門戶，勿使生人輒入，亦忌勞力人、狐臭人。若待房觸犯，最爲大害。婦人經水適來，尤當迴避。

床帳左右前後宜掛胡荽以酒噴之或常
燒乳香尤妙蓋榮衛得香則運行甚速可
使瘡痘易出苟防備一不如法則禍患踵
至欲出者使之不出已出者斑爛成片甚
者瘡黑陷伏加以爛臭痛如刀剡悶亂而
死其中縱得安者亦令癰痕經年黑色或
久成疥癬不可不戒

防備入目方法者何第十三

痘瘡方出之時、使不入目、以臘脂塗眼四
邊、或傳以水調黃蘗末、或以白芥子末水
調塗足心、仍抱兒投菉豆七粒於井中、五
七歲兒、令時時觀井、欲得陰冷之氣相感、
此皆養護之良法也、又有忌食之法、如醲
厚滋味、牛雞鵝鴨、皆不可食、往往食雞鵝
鴨卵、未有不爲目害者、雖去後數月、猶未
可食、但令食和淡之物、或入少鹽亦無害、

如湫隘之家不可煮雞鵝鴨卵其氣相襲亦能損目不可不知

春夏爲順秋冬爲逆者何第十四

經云春夏陽氣在上人氣亦在上秋冬陽在下人氣亦在下今瘡疽之發自裏達表當春夏之時則氣血隨陽氣而上其行也疾秋冬之際陽氣既下則血氣亦陷下而行遲是以發於春夏者爲順秋冬者爲逆

然而論時令之逆順、又當觀兒之虛實、何以言之、凡兒之資稟厚者、堪耐寒暑、節候變遷、不以爲事、故雖瘡痘發於秋冬、初不爲害、若受氣怯弱者、則凡遇寒暑易節、便生疾疚、故雖瘡痘發於春夏、亦未爲順、是知古人分別逆順、雖以時言之、而知逆順之大者、又不專泥於此、錢氏方云、春膿疱、夏黑陷、秋斑瘡、冬疹子、皆不順也、茲併及

之

始末日數有定論者何第十五

熱蒸三日則紅斑生紅斑生至足心爲齊不拘多少重者遍身輕者數枚而已紅斑生血疱血疱起如豆在肌皮之上故以痘名焉血疱結膿疱膿疱結痂疔方爲愈也紅點既見慎不可用升麻湯蓋升麻湯寒其表故令人已見而出遲者用紫草飲子

胡荻酒如證候平和者勿妄服藥惟愛護
安養之紅點出齊之後作血疱七日結膿
窠膿窠結定七日悉成痂疔此皆大畧之
言耳病人虛實不等不可一切拘以日數
且古人云熱三日而生斑今有熱七日或
數日而方生者亦有熱一二日而卽生者
自紅斑出齊之後當盡成血疱若血疱之
中又尚有紅斑點相雜則亦不可拘定日

數待其皆作血疱爲齊如紅斑出齊生血
疱血疱七日結膿疱膿疱七日結痂疔此
乃榮衛調和內外無諸傷犯方能如期或
正作之際遇氣候乖變遲速因而失序又
豈可必拘以日數哉其有當結膿疱而不
結者是以毒氣彌盛而不歛用猪尾膏以
解之猪尾膏是治毒氣大盛血疱脹不結
膿窠膿已成不結痂疔熱極毒熾恐復入

於心令兒昏悶而死故也非若外感風寒而倒靨內虛吐瀉而陷伏者之比今將猪尾膏証別立一篇在後見慎之至也不可
不審宜詳證用之

紫草飲治瘡疹三四日隱隱將出未出

真紫草茸貳兩

須仔細辨認勿用偽根假者

細

剉沃以百沸湯一大盞用紙密封
勿令紫草氣走泄量兒大小溫服

瘡雖出亦輕

若大便利者不可用

胡荽酒

若已發未發噴之立出

胡荽參兩細切以酒貳大鍾煎沸
用紙密封不令氣出候冷去滓從
頂至頤頤微微塗之更噴背脊臂
腹及兩脚皆遍再用滿房壁門戶
遍灑之

猪尾膏

龍腦半字許研細旋滴猪心血爲
丸辰砂爲衣紫草湯化下

龍腦即琥珀

出不快者何第十六

有數證不同不可不辨自紅斑出齊之後
當漸有紅斑方出或內虛或因犯胃氣臟
腑自利虛弱不食遂陷而不出者宜用溫
裏之藥甚者雖硫黃薑附靈砂伏火丹砂
等亦可用大抵用藥治病或冷或熱所以

敗一時之不及不可拘以常制或將成膿
疔之際一半尚是紅斑點者此毒氣發越
未透故也當此必不能乳食大便如常者
宜半溫裏半助養之劑其或內虛甚而生
寒大便利者宜理中薑附輩以溫之裏溫
則氣不消削氣不消削則不伏陷矣又有
肉實之人皮厚肉密毒氣難於發越至服
大黃梔子乾葛石膏之類而得平順者或

有適當炎月觸冒暑邪煩躁喘急大渴昏迷而發作不快用白虎石膏湯抱龍五苓之類而得安靜者此皆臨病識證隨時審諦不可執泥也

理中湯

人參

白朮

乾薑

炮

白茯苓

甘草節

炙

已上各等分

右用水一盞煎五分不拘時服如
惡寒加附子名附子理中湯

白虎湯

石膏

四兩

人參

五錢

甘草

五分

知母

壹兩五錢

右為麤末每服抄參錢水一盞粳

米或十粒同煎至半盞去粗溫服

不拘時

抱龍丸

膽星 貳兩

天竺黃 五錢

辰砂 另研水飛

雄黃 各貳錢 五分 另研水飛

麝香 五分

右爲細末和勻煎甘草汁丸如芡
實大薄苛湯化下不拘時服兒兩
三歲者一九作三次服五六歲者
每服一九

五苓散

澤瀉

去毛 貳兩五錢

猪苓

去皮 壹兩五錢

白茯苓

壹兩五錢

白朮

壹兩五錢

官桂

去皮 壹兩

右爲末每服貳錢百沸湯調下

出未勻者何第十七

凡平居安樂則心神調暢氣體和平
日有病則陰陽偏盛衰不同瘡痘已出而

不遍勻者前人治法惟透肌解毒而已肌
透毒解既無壅塞之患則自然出勻宜必
勝散快毒丹紫草飲胡荽酒之類張氏云
瘡疹氣勻卽出快誠哉是言也

必勝散

牛蒡子不限多少炒熟杵碎每貼
貳錢加荊芥穗少許用水一盞煎
四分不拘時溫服如瘡疹已出更

服尤妙

快毒丹

黑牽牛 畧炒

木香 各壹分

肉果 五錢 麝香 煨

青皮 壹兩 半生 半熟

右爲細末滴水
和丸如黍米大每
服七丸至十九丸
量兒大小加減濃
煎紫草葱白湯乳
前服

紫草飲 治瘡毒 效驗

紫草茸

須真

白芍藥

麻黃

去節

甘草

各等分

右每貼貳錢用水一盞煎四分不

拘時溫服

胡荽酒方見前十五條下

出太盛者何第十八

出大盛而面黃大便色黑煩躁喘渴或腹
脹者此爲有瘀血在裏宜犀角地黃湯及

治病瘡疹中衄吐血毒氣彌盛者若大盛之際不能解利則其害尤速如抱龍丸至寶丹生犀磨汁紫雪之類皆可選而用之若大便不秘實小便不黃赤恐外熱而內寒又當別求治法

犀角地黃湯

生犀角

生用

升麻

生用

一方不用

生地黃

牡丹皮

壹兩

芍藥

右每貼參錢用水一盞煎五分不
拘時溫服

抱龍丸方見前十六條下

至寶丹治痘瘡心熱卒中客忤不眠煩
躁搐搦狂語嘔吐等證

生犀角

爲末

生玳瑁

爲末

琥珀

辰砂

研細水飛

雄黃

研細水飛已上各壹兩

龍腦

貳分研

麝香

壹分研

牛黃

五錢研

金箔

五十片

銀箔

五十片

安息香

壹兩五錢好酒研過去砂石用壹兩熬成膏

右爲細末拌勻以安息膏和成爲

劑如乾加蜂蜜少許如梧桐子大

兩三歲兒每服貳丸七八歲者更

加一二丸人參湯化下

生犀汁

右用生犀角於麝底磁器中帶水磨汁

紫雪

黃金

壹百兩

寒水石

叁斤

石膏

叁斤

犀角

叁兩

羚羊角

叁兩

玄參

壹斤

沉香

木香

丁香

甘草節 各八兩

升麻

六兩

右用水五斗煮金至三斗去金不
用入諸藥再煎至一斗瀝去滓投
好芒硝貳斤八兩微火煎以柳條
快攪勿停手候欲凝入盆中更下
研細辰砂參錢唐各半錢貳分五
厘急攪勻候冷貯磁器中勿令見

風每用壹錢溫水化下小兒量其
年歲三分至六七分如咽喉危急
捻少許乾嚥下

痘疹論卷一